

## Script of Evening Gojri News Bulletin 15 August 2024 at 1700 Hrs

ایوننگ گو جری نیوز بلیٹن مورخہ 15 اگست 2024

\*\*\*\*\*

یوہ آکا شوانی جموں ہے محمد مبارک ماہر تے عبید الرحمان تیں خبر سُنو۔ پہلاں خاص خاص خبر۔

\*\*\*\*\*

\* 1۔ قوم اج 78 ووں یوم آزادی منا رہی ہے۔ وزیر اعظم نریندر مو دی نے لال قلعہ ور قومی جھنڈو لہرایو۔

\* 2۔ جموں کشمیر غا لیفٹنٹ گو رنر منوج سنہا نے یوم آزادی غا موقعہ ور کہیو ہے کہ گمانڈی مُلکاں گا جموں کشمیر اندر دہشت گردی غا منصوبہ نانہ ناکام بنا یوجا ئے گو۔

\* 3۔ آئی پی ایس نیلین پر بہات نانہ اج جموں کشمیر غو خصوصی ڈائریکٹر جنرل تعینات کیو گیو ہے وے 30 ستمبر نانہ ڈی جی پی غی سبکدوشی ور پولیس غا ڈائریکٹر جنرل غو عہدو سنبھالیں گا۔

\* 4۔ تے وزیر دفاع راجناتھ سنگھ نے فوج نانہ جموں کشمیر وچوں دہشت گردی ختم کرن واسطے مزید اقدام کرن غی ہدایت کی ہے۔

\*\*\*\*\*

خبریں غی تفصیل نال پہلاں محمد مبارک ماہر۔

### PM Independence Day

وزیر اعظم نریندر مو دی نے مشہور لال قلعہ ور قومی جھنڈو لہرایو تے نال ہی گارڈ آف آنر غو معائنو کیو۔ اپنا خطاب مانہ وزیر اعظم نریندر مو دی نے کہیو ہے یاہ قوم ہر شہید اور آزادی پسند جنگجو غی مقروض ہے اور اُنکی شکر گزار وی ہے اُن نے کہیو کہ آج غو تہاڑو اُن عظیم بستیاں نانہ سلام پیش کرن غو موقعہ ہے۔ جن نے مُلک غی حفاظت پورا عزم غے نال اس غی تعمیر اور اس نانہ نویں اُنچایاں تک لے جان مانہ اپنو کردار نبھایو۔ وزیر اعظم نے کہیو کہ مُلک آزادی پسنداں غو مقروض ہے کیونجے اُنہاں نے ہر اک نانہ آزادی نال ساہ لین گو اعزاز دتو ہے۔ وزیر اعظم نے اس یقین غو وی اظہار کیو کہ اگر مُلک غا 140 کروڑ لوک رل غے اک پا سے اگے بدھیں تے تمام رکا وٹاں نانہ عبور کر غے سال 2047 تک ہندوستان وکست بھارت بن جائے گو۔ وزیر اعظم نے اس گل ور وی لو کہلی کہ اس شعبہ مانہ مچ ساری اصلاحات کی گئی ہیں۔

\*\*\*\*\*

### PM 2036 Olympics

وزیر اعظم نریندر مو دی نے کہیو ہے کہ ہندوستان مانہ بڑا پیمانہ ور عالمی مقابلوں گو انعقاد کرن غی صلاحیت ہے تے 2036 مانہ اولمپکس غی میزبانی غا سلسلہ مانہ اپنی کوششاں مانہ کو ئے کسر نہیں چھوڑے گو۔ واضح رہے ہندوستان غے نال نال کئی دوجا مُلک جس طرح سعودی عرب، قطر تے ترکی اپنا آپ نانہ کھیڈاں گا تماشہ غی میزبانی غا سلسلہ مانہ مضبوط دعویدار غا طور ور دیکھ رہیا ہیں۔ اُمید ہے جے بین القوامی اولمپکس کمیٹی آئی او سی اگلے سال اپنا انتخابات غا انعقاد تیں بعد ہی میزبانی با رے فیصلو کرے گی۔ وزیر اعظم نے کہیو کہ ہندوستان غی طرفوں پچھلا بہرے ستمبر مہینہ مانہ نوی دہلی مانہ دوجا شہراں مانہ جی 20 سربراہی اجلاس غی کامیاب میزبانی نے مُلک مانہ موجودہ بنیا دی ڈھانچہ غی نمائش کی ہے۔ سال 2010 مانہ ہندوستان نے دولت مشترکہ غا اک بین

القوامی کثیر کھیڈ میلہ غی میزبانی کی تھی۔ وزیر اعظم نے حال ہی مانہ ختم ہون آلا پیرس اولمپکس مانہ اُن غی عمدہ کو ششان واسطے ہندوستانی کھلاڑیاں نانہ وی مباد رکباد دی۔ واضع رہ جے مذکو رہ پیرس اولمپک مانہ ہندوستان نے 6 تمغہ جتیا ہیں۔ وزیر اعظم غا خطاب غے دوران مَج سارا منیا پڑمنیا پہلوان موجو دتھا۔ وزیر اعظم نے پیرس مانہ 28 اگست تیں 8 ستمبر تک ہون آلا پیرا اولمپکس مانہ حصو لین آلا ہندوستانی دستہ نال وی اپنی نیک خواہشات گو اظہا ر کیو۔  
\*\*\*\*\*

## I JK Celebration

لیفٹنٹ گو رنر منوج سنہا نے کہیو ہے کہ یوٹی انتظامیہ تے حفاظتی دستا گو انڈی مُلک نانہ جموں کشمیر مانہ دوپا رہ دہشت گردی نانہ زندہ کرن غی کدے وی اجازت نہیں دے گی۔ اور جموں غا لوکاں نانہ خطہ تیں دہشت گردی غا صفایا خاطر حفاظتی دستاں غی مدد کرنی چاہیے۔ یاہ گل اُن نے سرینگر غا بخشی سٹیڈیم مانہ 78 ویں یوم آزادی غا اجتماع سنگ خطاب غے دوران کہی۔ اُن نے کہیو جے گوانڈی مُلک جموں کشمیر مانہ دہشت گردی نانہ بحال کرن با رے جتن کر رہیا ہیں۔ جموں غا لوکاں غی تعریف کرتاں واں ایل جی موصوف نے کہیو کہ ان لوکاں نے کدے وی دہشت گردی غی حمایت نہیں کی۔ اُن نے کہیو جے حفاظتی دستا جموں کشمیر غی سر زمین وروں دہشت گردی اور دہشت گردی غا نیٹ ورک نانہ ختم کرن خاطر پُر عزم ہیں۔ قابل ذکر ہے جے جموں خطہ مانہ چرکاں دہشت گردانہ حملان غو سلسلو جا ری ہے۔ جس مانہ حفاظتی دستاں نانہ بڑو جا نی نقصان ہوؤ ہے۔ اُت اسر ڈوڈہ مانہ کل اک ٹاکرا غے دوران فوج گو اک کیپٹن اور اک غیر ملکی دہشت گرد مارے گیو۔ جت انسداد دہشت گردی کا روائی اجوں وی جا ری ہے۔ ایل جی نے کہیو جے جموں کشمیر پولیس پیشہ وارانہ انداز مانہ بکھ بکھ محاذان ور کم کر رہی ہے۔ انہاں نے کہیو کہ جموں کشمیر انتظامیہ نے پچھلا 5 بہراں مانہ یوٹی نانہ ترقی غی نوی اُنچانیاں نانہ چھون مانہ کو ئے کسر نہیں چھوڑی۔ اُن نے کہیو کہ پچھلا 70 بہراں مانہ اپنا حقوق تیں محروم طبقاں نانہ اُن غی مناسب پشان دتی گئی ہے۔ ایل جی نے کہیو جے اج درجہ فہرست قبیلہ، ذات، دوجا پچھڑیا طبقہ، والمکی، پاکستان رفیوجی مکمل ووٹینگ غا حقوق غے نال باوقار زندگی گذار رہیا ہیں۔  
\*\*\*\*\*

## I Day Jammu

لیفٹنٹ گو رنر غا صلاح کار آر آر بٹناگر نے اج جموں غا مولانہ آزاد سٹیڈیم مانہ قومی جھنڈا نانہ سلامی پیش کی اور عوام نال خطاب کیو۔ اس دوران خطائی کمشنر جموں رامیش کمار تے جموں کشمیر مانہ بی جے پی غا صدر رویندر رینہ تیں علا وہ کئی اعلیٰ عہدیدار وی موجو دتھا۔ اس دوران آپسی بھائی چارہ تے خُب الوطنی ور گل بات کی گئی اور قوم غے تئیں وفاداری غو حلف چایو گیو۔ اس دوران رنگا رنگ پروگرام منعقد ہوا اور جموں غی عوام واسطے یوہ اک یادگار تہاڑو بن گیو۔  
\*\*\*\*\*

## JK New DGP

آنی پی ایس افسر نیلین پرہات نانہ اج جموں کشمیر پولیس غو خصوصی ڈائریکٹر جنرل تعینات کیو گیو ہے۔ اور وے موجو دہ ڈی جی پی آر آر سوین غی 30 ستمبر نانہ سبکدوشی تیں بعد پولیس غا ڈائریکٹر جنرل غو عہدو سنبھالیں گا۔ اس ضمن مانہ وزارت داخلہ غی طرفوں جا ری حُکم نامہ مانہ دسیو گیو ہے کہ 1992 بیچ گا آندھرا پردیش کیڈر

غا آنى پى ايس پر بهات نانہ فوری طور خصوصى ڈائریکٹر جنرل گا عہدہ ور تعینات کیو گیو ہے۔ 55 سالہ پر بهات 3 بار پولیس گلینٹری انعام حاصل چکا ہیں اور اُن نے آندھرا پردیش مانہ نکل واد غے خلاف پولیس گرے ہونڈز غی وی قیا دت کی ہے۔ انہاں نے کشمیر خطہ مانہ آنى جی آپریشن تے اضافی ڈائریکٹر جنرل گا عہدہ ور وی اپنی خدمات دتی ہیں۔

\*\*\*\*\*

### Food Wings

خوراک تے ادویات انتظامیہ بارے محکمہ غی خوراک تحفظ وینگ رام بن عوام مانہ صحت مند غذائیت، بہتر طرز زندگی تے کھان بارے اچھی عاداتاں نانہ بابدو دینخاطر کم کر رہی ہے۔ امرناٹھ یا ترا غے دوران محکمہ نے کھان غا معیار نانہ پرکھن واسطے موبائل جانچ وین غے ذریعے بکھ بکھ کیمپ لایا تھا۔ جانچ خاطر 2 سو تیں متا خوراک نمونہ لیا گیا تھا۔ رواں مہینہ غے دوران 15 خوراک جانچ کی گئی ہیں اور محکمہ نے قصورواراں تیں 91 ہزار روپیہ بطور جرمانہ وصول کیا ہیں۔ اس سلسلہ مانہ گل کرتاں واں خوراک تحفظ افسر رام بن بلبیر سنگھ نے اس طرح کہیو۔۔ بانٹ۔

\*\*\*\*\*

یہ خبر تم آکا شوانی جموں تیں سن رہیا ہیں خیراں غا باقی حصہ نال عبید الرحمن۔

### Rajnath JK

وزیر دفاع راجناٹھ سنگھ نے گذشتہ روز ایجنسیاں غا کئی اعلیٰ عہدیدارا غی موجو دگی مانہ جموں کشمیر غا دور دراز پہاڑی علاقاں مانہ دہشت گردی مخالف آپریشن واسطے لانچ عمل تیار کرن اور حفاظتی صورتحال نانہ مزید بہتر بنان خاطر چایا گیا اقدامات غو تفصیلی جائزو لیو۔ اس دوران قومی سلامتی غا صلاح کار راجیت ڈوال، فوج غا چیف جنرل اُپندرہ دویویدی تے کئی حفاظتی ایجنسیاں غا سربراہ وی موجو د تھا۔ اس دوران جموں کشمیر غے اندر موجو دہ صورتحال ور اعلیٰ افسراں نے تبادلہ خیال کیو۔ اس دوران فوج نانہ دہشت گردی ختم کرن خاطر مزید موثر اقدامات غی وی ہدایت کی گئی ہے۔

\*\*\*\*\*

### MHA ECI

مرکزی وزارت داخلہ نے گذشتہ روز انتخابی کمیشن نانہ یقین دوايو ہے کہ جموں کشمیر غے اندر آئندہ اسمبلی انتخابات مانہ حفاظتی صورتحال نانہ یقینی بنان خاطر حفاظتی دستہ تعینات کیا جائیگا۔ ذریعہاں نے دسیو ہے جے بھارتی انتخابی کمیشن نے مرکزی داخلہ سیکریٹری نال 2019 تیں بعد آئندہ ہون آلا انتخابات مانہ حفاظتی صورتحال ور تبادلہ خیال کیو۔ اس دوران وزارت نے مرکزی پیرا ملٹری فوج غی 6 سو کمپنی تعینات کرن غو یقین دوايو ہے تا کہ جموں کشمیر یوٹی غے اندر انتخابات غو سلسلو احسن طریقہ نال مکمل کیو جا سکے۔

\*\*\*\*\*

### Kathua I Day

ضلع بیڈکووارٹر کٹھوعہ مانہ 78 ووں یوم آزادی تہاڑو بڑا جوش و خروش نال منایو گیو۔ اس دوران کٹھوعہ غا کھیٹ میدان مانہ ضلع ترقیاتی کو نسل غا چیرمین مہان سنگھ نے قومی جھنڈو لہرایو اور ضلع پولیس، پی ٹی ايس، آئی آر پی تے این سی سی غا 46 دستاں تیں سلامی حاصل کی۔ اس دوران کئی سرکار تے نجی اسکولاں غا طالب علم وی موجو د تھا۔ اپنا خطاب مانہ موصوف نے آزادی خاطر شہید ہوا تمام فوجی جواناں نانہ یا دکیو جن

غی بہا دری تے ہمت غی وجہ نال مُلک نانہہ آزادی حاصل ہوئی۔ اس دوران یوم آزادی منان  
آیا کُجھ طالب علماں تے ڈی ڈی سی چیرمین کرنل مہان سنگھ نے اس طرح کہیو۔۔۔ با نٹ۔۔  
\*\*\*\*\*

### I Day Udhampur

ضلع اُدھم پور مانہہ ضلع، تحصیل، بلاک تے نیابت سطح ور اج 78 ووں یوم آزادی بڑا  
جوش و خروش نال منایو گیو۔ اس دوران آزادی حاصل کران مانہہ خدمات پیش کرن آلا تمام  
افراد نانہہ خراج عقیدت پیش کیو گیو۔ اس دوران کئی تعلیمی اداراں، سیا سی تے سماجی  
تنظیمیاں نے رنگا رنگ پروگرام منعقد کیا۔ لڑکاں غا پی جی کالج اُدھم پور مانہہ شاندار  
پروگرام منعقد کیو گیو جت ڈی ڈی سی چیرمین لال چند مہمان خصوصی تھا۔ موصوف نے  
قومی جھنڈو لہرایو اور جے کے پی، سی آر پی ایف، این سی سی تے طالب علماں غا 30  
جٹھاں تیں سلامی حاصل کی۔ اس دوران طالب علماں نے کئی ثقافتی سرگرمیاں گو مظاہرو  
کیو۔  
\*\*\*\*\*

### I Day samba

مُلک گا باقی حصاں غی طرح ضلع سانہہ مانہہ وی 78 ووں یوم آزادی بہترین طرز ور  
منایو گیو۔ اس ضمن مانہہ ضلع انتظامیہ سانہہ نے رانی سوچیت سنگھ کھیڈ میدان آراضی  
سانہہ مانہہ یوم آزادی تقریب منعقد کرانی جت ڈی ڈی سی چیرمین سانہہ کیشیو دت نے  
قومی جھنڈو لہرایو اور سلامی پیش کی۔  
\*\*\*\*\*

### Poonch I Day

سرحدی ضلع پونچھ مانہہ زبردست بارش غے وچ ضلع پھر مانہہ یوم آزادی قومی جذبہ  
غے نال منایو گیو۔ یہ تقریبات ضلع مانہہ صدر دفتر غی سطح ور منعقد کی گئیں۔ مرکزی  
تقریب غو انعقاد کھیڈ میدان پونچھ مانہہ کیو گیو جت مہمان خصوصی ضلع ترقیات کو نسل  
غی چیر پرسن تعظیم اختر نے قومی جھنڈو لہرایو تے نال بی پریڈ غی سلامی لی۔ اس  
سلسلہ مانہہ بولتاں واں اُن نے اس طرح کہیو۔۔۔ با نٹ۔۔  
\*\*\*\*\*

### Kishtwar I Day

ضلع کشتواڑ مانہہ 78 ووں یوم آزادی تہاڑو بڑا جوش و خروش نال منایو گیو۔ اس دوران  
ضلع ترقیاتی کونسل غی چیر پرسن پوجا ٹھاکر نے قومی جھنڈو لہرایو۔ اپنا خطاب غے  
دوران موصوفہ نے اُن بہا در جواناں نانہہ خراج عقیدت پیش کیو۔ جن نے مُلک غی آزادی  
خاطر اپنی جاناں غو نظرانو پیش کر دتو تھو۔  
\*\*\*\*\*

اس غے نال ہی خبراں غو یوہ بلیٹن ختم ہوؤ۔